

古今文綜

野居書肆

古今文綜 第三部 碑文墓銘之屬

第十九冊

目錄

第二編 墓銘類

第一章 墓銘之體製上

(甲)仕宦

(一)貴顯

北周庾信周上柱國齊王憲神道碑

北周庾信周太子太保步陸逞神道碑

北周庾信周車騎將軍賀婁公神道碑

唐韓愈唐故相權公墓碑

宋歐陽修資政殿學士戶部侍郎范文正公神道碑銘

宋王安石太子太傅田公墓誌銘

清吳汝綸代撰曾文正公神道碑

清吳汝綸李文忠公神道碑

清張裕釗岑襄勤公神道碑

清張裕釗代撰誥授通奉大夫江蘇布政使倪公墓碑

(二) 庶官

唐韓愈唐朝散大夫贈司勳員外郎孔君墓誌銘

唐韓愈江南西道觀察使太原王公墓誌銘

唐韓愈河南令張君墓誌銘

唐韓愈尚書庫部郎中鄭君墓誌銘

唐韓愈國子助教河東薛君墓誌銘

宋歐陽修湖州長史蘇君墓誌銘

宋王安石贈光祿少卿趙君墓誌銘

宋王安石廣西轉運使孫君墓碑

清邵齊燾原任長洲縣知縣吉安羅公墓碑

清梅曾亮誥授朝議大夫貴州遵義府知府胡公墓誌銘

清曾國藩戶部員外郎彭君墓表

清曾國藩單縣典史張君墓誌銘

清薛福保誥授朝議大夫運同銜山東候補知州賀君墓表

清張裕釗知府銜洮州廳撫民同知劉君墓表

(二)武功

唐張說隴右節度大使贈涼州都督郭公神道碑銘

唐韓愈贈太尉許國公神道碑銘

唐韓愈鳳翔隴州節度使李公墓誌銘

宋王安石尙書祠部郎中集賢殿修撰蕭君墓誌銘

清毛奇齡故明特授游擊將軍道州守備列女沈氏雲英墓誌銘

清袁枚誥封奉政大夫江南左營游擊署城守副將加三級孫公墓誌銘

清袁枚贈提督任勇烈公神道碑

清彭兆蓀署京口營副將京口左營游擊吳公墓誌銘

清曾國藩羅忠節公神道碑銘

清吳汝綸左文襄公神道碑

清吳汝綸程忠烈公神道碑

古今文綜

第三部

碑文墓銘之屬

第十九冊

杭縣張 相讓錄

杭縣姚漢章閱訂

第二編 墓銘類

第一章 墓銘之體製上

墓石之文約爲兩事。刻諸墓上。刻諸壙中是也。曰碑曰碣曰表。刻諸墓上。曰墓誌銘。納諸壙中。而姚惜抱氏謂古人皆曰誌。世人以立石墓上曰碑曰表。埋乃曰誌者。爲失其義。充其語。將使誌銘高立。碑表埋幽。不亦緼乎。古誼單證。未敢從同。間嘗兼籀衆說。墓誌自爲一事。碑碣與表。事或相通。唐時葬令。五品以上爲碑。龜趺螭首。降五品爲碣。方趺圓首。明制三品以上神道碑。四品以下墓表。清制品官得立碑碣。處士不禁用表。特揆之漢時。尙不立限。說文碑。豎石也。碣。特立之石也。

表上衣也。引伸爲旌表。漢人墓碑之文。或刻石柱。或刻石碑。石柱之設。用以表墓。唐所謂墳前石表者也。此碑與表通之說也。潘蒼崖謂碑高丈二。碣高四尺。表之高與碣同。其說本之家禮。此碣與表通之說也。故徐師魯云。碑碣有尊卑。而表無之。蓋碑碣之變稱矣。神道之意。猶云墓道。後漢書李賢注。墓前開道。建石柱以爲標。謂之神道。斯仍石表之說。故知地理家言。以神道爲東南方。矜奇弔詭。語近無稽。至於墓誌之文。王儉謂始於顏延之。任昉謂始於晉。其說均非。三代以來。殉葬器物。往往有銘。而漢王史威長葬銘。凡卅二字。埋壙之文。殆其權輿。綜而述之。碑碣表誌。式備於漢。且其爲文。均得曰銘。斯則惜抱之說是也。茲故概以墓銘而先述其體製爲兩章云。

(甲) 仕宦

墓銘有文。通乎史傳。閭巷之士。憔悴專一。死而死耳。苟其功業治

行。煊赫可見。文章點綴。光氣動人。斯一佳傳也。曰貴顯。曰庶官。曰武功。析爲三事。

錄之如左。

(一) 貴顯 昔者梁邱據死。齊景公謂忠臣愛我。欲厚葬之。高大其塋。故霍

光之卒。大其塋制。起三幽闕。作神道。而唐太宗昭陵陪葬。自宰相功臣以下。凡百餘人。異數寵禮。生榮死哀。宜有高文。紀此玄石。錄庾子山齊王憲神道碑文以下。凡十首。

北周庾信周上柱國齊王憲神道碑

昔者軒皇受姓。十有四人。周室先封。十有五國。自爾承基。纂胄保姓。受氏雖復。千年一聖。終是百世同宗。故知昔之東京。既稱炎漢。再受今之周曆。卽是鄴都中興。公諱憲。字毗賀突。恆州武川人也。晉太康之世。據有黃龍。魏孝昌之初。奄荒玄菟。太祖以百二諸侯。三分天下。函谷先登。鴻溝大定。功業如此。人臣以終。公含章天挺。命世誕生。降太一之神。下文昌之宿。珠角擅奇。山庭表德。儀範清冷。風神軒舉。聳動廊廟。光華城闕。未逾齟齬。已議論天下事。人或曰。是謂若木一枝。傍蔭數國。長河一直。自然千里。風飈欲遠。光景將昇。後魏二年。封涪城縣開國公。時年五歲。

也虹蜺滿野。是廢當途之高。鸞驚鳴岐。實始維新之命。國家光宅受圖。欽明秉曆。大風初卷。長沙始封。周元年。進爵安城郡公。食邑二千戶。仍授使持節驃騎大將軍。開府儀同三司。開府同於馬駿。秩擬六卿。驃騎等於劉蒼。位高三事。宗子維城。彼多慙色。武城二年。授使持節大將軍。都督益壽寧等二十四州諸軍事。益州刺史。改封齊國公。食邑萬戶。公時年十有六。王武子以上將。開府未滿立年。荀中郎爲十州都督。才踰弱冠。方之於公。已爲老矣。加復營邱。負海齊桓公受賑之城。岷山導江。漢武帝求仙之地。自非名陵孤竹。聲振沉黎。豈得南至穆陵。西登積石。幸無白虎之患。寧待黃龍之盟。叩竿畏威。微盧仰德。生爲立廟。刻石頌功。成都有文翁之祀。非謂生前。漢陽有諸葛之碑。止論身後。比之今日。豈可同年而語哉。保定四年。與大司馬蜀國公圍金墉城。師臨洛浦。則廣武營奔兵上邳山。則河橋路斷。八川風俗。五方名利。鐵市銅街。風飛塵起。天和元年。徵還行雍牧。公以日月之明。威神其政。漆沮旣從。荆岐卽父。少陽用事。路不喘牛。仲秋以殷民無驚。水二年拜。

大司馬仍理小冢宰營室殿軍器太監天官以邦國爲基是司六典夏官以兵戈爲主專謀七德是以器械填委旣包吳漢之功宮殿崢嶸彌壯蕭何之法時以白露涼風務閑農隙督兵三萬出自宜陽拔伏龍之城平姚萇之壘馬陵削樹魏將路窮平陰聽烏齊師其遁天子冢弟禮絕羣公仁義所往事資道德建德元年進爵爲王仍拜大冢宰姬旦封於曲阜不廢居中劉交國於彭陽無妨常從豈直周召二南竝居師傅晉鄭兩國俱爲卿士而已哉匈奴突於武川燿火通於灞上公述職巡御治兵朔方馬邑星飛龍城月動撓留犁之酒經略不前失燕支之山下馬而去東鄰逆命反道敗德囚箕子於塞庫罵文王於玉門天子將有孟津之師召公獨議公報以誕膺天命克成厥勳昔者秦昭起師於蜀直問張儀晉武用兵於吳惟謀羊祜於是中軍無帥僉曰有歸五年拜上柱國元戎東討給王鐵騎二萬先襲太原斗建麾兵天離轉戰虎嘯風騰雲飛電掩林胡棗栗詎得充饑晉陽荻蒿何能拒防又加王精兵六萬長圍晉州然後六軍星陳萬騎雷動中權始及

前茅已戰。自爾卽爲前鋒。橫行入鄴。觀彼車絙槐本。馬驚旋潭。積甲高昆。陽之城。封尸塞富平之水。莫不如彼建瓴。同斯破竹。一朝指揮。六合大定。是用光昭下武。翼亮中都。足以攄祖宗之宿憤。解生民之怨黷。方當待彼石閭。部斯玉鼓。經緯天地。光華日月。旣而赤烏夾日。黃熊入寢。實沉無祀。桑林不祭。宣政元年六月二十八日薨。春秋三十有四。季友之亡魯可知矣。齊喪子雅。姜其危哉。公器宇淹曠。風神透遠。璣鏡門臨。山河容納。置罇待酌。懸鐘聽叩。聲動天下。光照四隣。武皇帝以介弟懿親。特垂愛友。而密謀奇策。加禮敬焉。帝謂左右曰。孔子云。自吾有回。門人日親。其齊王之謂也。用之作宰。則萬方協和。用之撫軍。則四表懾伏。豈直臯繇爲士國。無不仁。隨會爲卿。民無羣盜。愛翫書籍。敦崇禮樂。管絃入耳。則溪谷俱調。文雅沿心。則煙霞竝韻。養由百發。落鴈吟援。應奉五行。綈緇驟帙。雍容舉止。抑揚談論。當世以爲楷模。搢紳以爲軌範。則少有壯志。頗校兵書。玄水降靈。穀城授策。飛風長柳。月角星眉。莫不吟誦在心。撰成於手。所著兵法。凡有五卷。六韜九法。不用。

吳起舊書三令五申無勞孫武先誠可謂有忠孝焉有壯武焉不自驕矜謙光下
物宋人獻玉不貪爲寶伯成子高守仁爲富不謂以信致欺爲善非樂天年不享
嗚呼哀哉以某年月日塋於石安縣洪瀆川之里原隰悽愴埋於盛德幾年邱陵
搖落蘊於才良永矣乃爲銘曰

悠哉朔方逃矣窮陰山連鳥道地盡龜林重黎業大伯翳功深胄其積德必有君
臨太祖撥亂喪君有君功廻地軸策動天文猶臨赤水尙復黃雲諸侯八百天下
三分公之挺生實惟天假翠微神降文昌星下照於四國充於兩社舟楫江河棟
梁華夏水湧詞鋒風飛文雅純深之性地極天經忠貞之道事感百靈君親惟一
臣子惟寧忠泉出井孝笋生庭乃宰天官爲國之輔是居上將爲天之柱乃聖乃
神惟文惟武策高開闢威移雲雨九宮神略三術謨明天離轉陣月德廻兵黎陽
水駭官渡山驚冀州旣載東原底平溟波欲運弱本將危中峰岳斷半海鵬垂鳳
沉丹穴龍亡黑陂臨淄廢市東武山移千齡萬古英聲在斯

北周庾信周太子太保步陸逞神道碑

公諱逞。字季明。本姓陸。吳郡人也。君子至止。旣紹虞賓。鳳凰于飛。實興齊國。南越使者解漢帝之衣。西陵將軍覆吳王之蓋。曾祖載爲宋王司馬。畱鎮關中。赫連之亂。仗劍魏室。黃河參淩。或亡追路。烏江艤船。更無歸迹。今爲河南洛陽人也。高祖冠軍將軍。營州刺史。吳人有降附者。悉領爲別軍。自是官帥擁鐸。更爲吳越之兵。君子習流。別有樓船之陣。父政。驃騎大將軍。儀同三司。恆州刺史。中都獻公。太祖扶危濟傾。經綸夷阻。報君之恥。遠襲平原。以高平霸業所基。委命留事。關中餽食。非直滎陽之師。河內供軍。豈但淇園之竹。公秉照晉之靈。降神明之德。猛虎振檻。七年不驚。羝羊觸蕃。九齡能對。諸兄以公先君愛子。稱之曰仁。推而襲封。雖復季末大成。矢心守節。旣遭燠穴。翻從壓紐。太祖初封函谷。始合諸侯。以公辭令。參謀機密。故得戎政克宣。師言無漏。賜姓步陸孤氏。委鹿輅而論都。入鴻門而舞劍。方之吹律。綽有餘榮。出身羽林。監輕車將軍。除尙書右丞。官聯會計。務應平準。水衡

貫朽長平粟紅授使持節車騎大將軍儀同三司增邑千戶尋遷駕部中大夫領
吏部中大夫歷蕃部御伯東京鼎實先加鄧鷟之勳西晉官人多用山濤之啟豈
若五王登朝必司賓主之禮六龍御轡取定鸞和之節御正以官觸父名不拜會
稽有王會之名其子不爲太守博陵有王沈之封其兒不爲刺史遷驃騎大將軍
開府入掌納言治司宗伯又爲軍司馬職居常伯勤問於南宮位管王言連官於
北斗豈止郊天祀地龍門嶰谷之聲贊鼓頒旗白露涼風之月暗夜有人餉羅數
十匹公閉門不受行人干觸具以聞奏朝野稱之太尉楊震直推故吏之金涼州
張奐高揖羌人之馬清畏人知我無慙德齊國通和封人受使以公有出境之才
見命張壇之禮旣珠盤插血定楚國之連名匕首登壇反齊人之侵地是謂使乎
固稱光國三輔公侯五陵鐘鼎銅街柳市塵起風飛乃授京兆尹增邑通前一千
六百戶餘官如故上林兵息蘭池盜靜不學王陽平生鑄金之術未同張敞終日
章臺之遊家僮暮行還得遺錢於道并白紵十疋公訪得其主卽以還之見金於

路指以示人得錢於道持留掛樹方之今日異代同風俄遷司會治小司馬重總六軍再操八柄考績入於歲成論功書之年表尋授都督宜州諸軍事宜州刺史露冕觀風停車待雨百城解印憚朱穆之威千里相迎愛王基之德曾未朞月被勅追還眷眷吏民不無河內之請依依故老實念黎陽之別少陽養德前星守器尊師讓齒必俟賢能乃授太子太保方之劉寔道高於大邦譬以山濤榮深於小輦本有消渴之疾常餌金石自理舊疾微增奄捐館舍茂陵之下不留封禪之書校尉之營惟餘服食之器嗚呼哀哉春秋四十有七建德二年五月十一日也天子以大臣之喪躬輟聽訟東朝以師傅之尊親臨攢祭詔贈大將軍諡某公禮也以今三年正月十日葬於京兆之高陽原夫人郁久閭西遇王姬愛敬肅恭言容令淑有聞箴盟無廢紘緼爰在盛年先從大夜今節婦開墳松柏已拱季孫成寢邱陵始同況復圖畫賢妃方在甘泉之室瘞埋才子卽用高陽之原公儀表外明風神內照器量深沈階基不測事君惟忠事親惟孝言爲世範行爲士則留連墳

素。悵。悵。文。詞。霜。府。錄。於。尙。書。天。官。總。於。司。會。出。入。匡。贊。常。帶。數。職。身。具。六。龜。腰。恆。
四。綬。陳。平。密。謀。既。非。天。子。所。見。荀。彧。上。策。又。非。諸。侯。所。聞。其。爲。郡。也。惟。取。赤。土。封。
書。其。爲。州。也。惟。以。青。鹽。換。粟。留。家。則。千。樹。無。資。遺。子。則。一。經。而。已。嫡。子。操。至。性。過。
禮。純。孝。不。遺。墳。前。之。樹。染。淚。者。先。枯。庭。際。之。禽。聞。悲。者。則。下。銘。曰。

山。連。日。觀。水。枕。滇。機。富。春。沙。起。開。陽。柱。飛。大。夫。屈。節。將。軍。振。威。南。越。受。吏。西。陵。解。
圍。昔。我。烈。祖。垂。翅。秦。中。白。馬。無。路。烏。江。不。通。笛。吟。鄉。里。琴。哀。土。風。營。州。恆。州。擁。旄。
世。載。壯。節。旃。衿。人。雄。關。塞。直。河。穿。趙。平。雲。臨。代。生。謂。立。功。沒。爲。留。愛。降。茲。嶽。瀆。誕。
此。貞。明。祥。符。雲。氣。慶。合。星。精。宮。帷。定。策。殿。柱。書。名。忠。泉。暗。漏。孝。笋。寒。生。世。屬。殷。周。
時。逢。楚。漢。天。下。三。分。鴻。溝。一。半。以。我。明。略。來。參。匡。贊。日。乃。再。中。天。成。兩。旦。遞。參。三。
事。歷。副。六。卿。天。師。光。宅。地。載。謨。明。春。官。定。禮。夏。官。治。兵。讖。言。默。識。溫。樹。無。名。謙。恭。
周。密。言。行。無。乖。忠。公。兕。殪。陰。德。蛇。埋。軍。國。紛。總。部。領。填。階。馬。不。入。厩。金。不。入。懷。具。
瞻。惟。德。高。山。惟。仰。甲。觀。初。登。龍。樓。初。上。東。國。桓。榮。西。京。疎。廣。年。齡。俄。頃。風。電。相。摧。

銘旌兩沒。池柳雙迴。煢煢胤子。在疚銜哀。身彰野火。心懼天雷。日月其除。榮終哀始。馬歸司隸。書還太史。曆對天星。墳連地市。山勢接飛。松形蓋起。德音無絕。平原忽矣。

北周庾信周車騎將軍賀婁公神道碑

昔者軒邱命氏。初分兄弟之姓。若水降居。始建諸侯之國。自是以官爲族。因地爲宗。水派枝分。其可知矣。公諱慈。字元達。本姓張。清河東武城人也。仕於周。張仲爲孝友。謀於晉。張彥爲賢臣。韓有開地。則五世稱強。趙有孟談。則三卿不戰。祖慶少習邊將。憑仗智勇。雖復五車竹簡。不取博士之名。一卷兵書。卽以將軍自許。角端在手。必無齊魯之侵。蓮花插腰。甚得蛟龍之氣。爲車騎大將軍。儀同三司。散騎常侍。霸城縣開國伯。贈河州刺史。父璨。公子。公孫有鎡基於天下。良弓良冶。有世業於家。風書則百家可知。劍則千人可敵。三槐以鼂鼎象物。知其神姦。五等以桓珪班瑞。守其宮室。君以才望兼而有之。終於使持節。車騎大將軍。儀同三司。散騎常